

Magistratum inferiorum iussa si utraq; simul stare nequeant arg. l. 3. §. 5. inf. D. de sepulc. violat. quodq; Regum iussa iussis parentum præponderent.

§. XXII. Quarta regula esto: Quod tantum permittitur; cedit ei quod iubetur: Equidem permissiva, si accurate loqui velimus, speciem juris non constituunt. Cum enim lex seu jus per naturam suam involvat præceptum & per consequens obligationem, tale quid non potest constituere speciem obligationis, ad quod ego non obligor, sed quod facere aut intermittere impune possum. Quia tamen per indirectum permissa quoq; ad effectus juris referuntur arg: l. 7. D. de Legibus ideoq; & hic quatenus agimus de concurrentibus principiis agendi pugnantibus, intacta ea omitti non debebant. Quamvis ergo Jure Naturæ quasi permissum videatur omnibus indistincte hominibus capere feras, & quilibet de rebus suis pro lubitu disponere etiam cum abusu possit. l. 21. C. Mandati l. 25. §. 11. D. d. hered. pet. quatenus tamen hodie privatis interdictum sectari feras bestias, aut etiam certo in casu iidem res suas pro lubitu distrahere aut retinere quandoq; prohibentur, merito quod permissum videbatur cedit ei quod iubetur.

§. XXIII. Regula Quinta esto: Quando uni ex duabus propositionibus est contraveniendum, illa tunc intelligitur permissa, quam violari minoris interest. Valet hæc regula de legibus civilibus circa res sua naturâ indifferentes latis, non vero de moralibus. In his enim uti non dantur majus & minus mala absolute & in se consideratâ malitia, ita nec unum præ altero eligi potest: Quare si aut homicidium aut adulterium alicui perpetrandum injungatur sub comminatione mortis, quamvis videri posset adulterium tam grave peccatum non esse quam homicidium, aut etiam satius sit tale quid committere, quam sine culpa trucidari: neutrum tamen committendum, siquidem non sunt facienda mala ut inde eveniant bona, quin potius expectandum, quid per Dei justitiam in nos decerni possit aut non possit. In civilibus vero uti dixi regulæ huic locum esse tali casu probari potest. Sint leges duæ: Una, ne
quis